



VNC tractum primùm Pœones seu Pannonos tenuere, inde Hunni habuerunt gens Scythica. Mox Gothi ex insulis Germanici Oceani profecti, post Gothos Longobardi ex Scandinavia, etiam Germanici Oceani insula; nouissimè rursus Hunni, qui & Iuhri & Hungari postmodum dicti sunt, ex alia Hungaria Scythica egressi, non longè à Tanais flu. ortu. Anares iidem nonnullis dicuntur, qui eam regionem obtinuerunt. hos Carolus Magnus octennali bello edomuit, prorsusque excidit, vna tantum horum natione, cui Vgrorum & Hungarorum nomen est (nam multos secum è Scythia eduxerant populos Hunni) illis extinctis summo ta, ac vallo quodam inclusa, sunt Hungari ferox hominum genus, & bello validum, equestri prælio magis quàm pedestri idoneum. Nulla gens Christiani nominis Turcarum arma magis exercuit: nulla ab his magis exercita est, adeo paribus animis, varioque euentu est semper vtrinque bellarum. Volaterranus ait, incultos ac procul à delicijs, hyeme vt reliquos Aquilonares in pyriterijs pellitos agere, potui ciboque plus iusto vacantes. Idque imprimis mirandum, cum merum aromataque præter cæteros mortales frequent; iuuentutem tamen esse castam & absque scortis agere: hominum interficere leui de causa promptum habent, idque impune licet. Latius etiam huius generis imperium patuit, quàm terræ nomen olim: vnde plures ei prouinciæ annumerari capere. Cum enim ab Leyta flu. ad Sauum vsque quicquid est interiecti agri complexa sit, nunc inter Septentrionem & Ortum etiam vltra Danubium pedem intulit, magnamque sibi Iazygum; Metanastarum, quos vulgo Transylvanos ac Septem castrenses nuncupant, partem vindicat, ac in Ortum Scythiam versus non parum protenditur: ac Mysiam, Daciam, Flacciam seu V Valachiam & complures alias prouincias ad se arripuit, partimque ijs suum nomen communicauit. Buda caput est regni huius & Basilica. iuxta hanc & Strigonium quæ Arnifcorum sedes fuere. Multæ præterea in hoc Regno vrbes sunt nobilissimæ: Alba regalis ad Sarroitzam flu. Regum coronatione & sepultura celebris, vulgò Stulmæssenburg. Stridon quoque in ea sita est, diui Hieronymi patria: hinc Quinque ecclesiæ (Stuiffkirchen Germanicè) Sopronium, Laurinũ & pleræque aliæ. Sclauonia trans Drauũ flu. Hungariæ finitima est, & eius tanquam portio quædam. Vterior Hungaria terram complectitur quam Gepidæ & Daci tenuerunt, à Sylefia, Morauia & Polonia montibus Carpathijs separatur. à Ruthenia, Transylvania & V Valachia transalpina separatur Maromarusijs montibus & syluis. in ea sitæ sunt vrbes Posamiensis, Tornensis, Tirnauiensis (Tirnauia aut patria est doctiss. viri Ioan Sambucij) Colociensis, Zegedinenfis, Varadinensis, ac pleræque aliæ. Incolæ ferè oēs Scythica vtuntur lingua. Erat hæc terra, vt præsci rerum scriptores habent, nouem circulis circumdata, quorum singuli ita stipitibus quernis, siue fagineis, vel abiegnis extructi erant, vt de margine ad marginem viginti pedum spacium tenderetur in latum, totidem erigeretur in altum, ciuitas autem vniuersa aut purissimis lapidibus, aut tenacissima creta repleretur. porro superficies vallorum eorundem integerrimis cespitibus tegetur. inter quorum cõfinia arbuscula plantatæ erant, quæ abscissæ proiectæque vt plurimum herbas ac frondes proferebant. De primo autem circulo ad secundum viginti miliaria Teutonice protendebantur, & inde totidem ad tertium, & ita vsque ad nonum, quamuis alius alio semper cõtractior erat, intra hos aggeres vici villæque ita cõstitutæ, vt ab vna ad aliam vox hominis audiretur. ædificia validissimis muris præmunita; portæ non satis latæ, propter hanc causam, vt per eas latrocini gratia quaqua versus exire ingredi que facile possent. tubarum clangore vnus circulus alteri cuiusque rei certa signa dabat. hos postmodum Carolus Magnus octennali bello domuit ac vastauit. Refert Volat. villis ac vicis regionem abundare stramineis, quas sæpe reficiant ad subitam inimicorum incurSIONEM, vel alia leui de cauda flagrantes. Hominum robore, pecudum & armentorum foecunditate, soli vbertate, metallorum copia, nulli orbis parti postponenda regio, omnibusque cœli benignitate & clementia, ac locia moenitate, situsque pulchritudine, suo iure anteferenda. Ager rerum omnium copia ac fertilitate felix. Gemmas, aurum, argentum, colores, sal, fodien-

tibus



Serenis Principi D. Carolo  
 Archiduci Maximilian II  
 fratri dicatum.



**HUNGARIAE LOCA PRE  
 CIPVA RECENS EMENDATA  
 ATQVE EDITA PER IOANNEM  
 SAMBVCVM PANNONIVM IMP M<sup>o</sup>  
 HISTORICVM ANNO DOMINI 1592**



tibus abundè largitur. Pabuli, frumenti, leguminum ac fructuum nusquam abundantia  
 maior. Vinum gignit generosissimū tractus Danubianus à Quinque Ecclesiensi agro Tau  
 runum seu Belgradum vsque. Flumina nonnulla optima auri ramenta ferunt. Amnes penè  
 omnes piscosissimi sunt. Olea autè rara aut nulla est. Fluij in hoc tractu nobiliores sunt.  
 Danubius, Sauus, Draus, Sauaria, Corcora, Arabo, Tybicus, Marus siue Narisus, Cusus,  
 Alutius, Bacuntius, Valdamus, præter hos & alij sunt fluij ignobiliores. Lacus & Insulæ,  
 thermæ item ac minæ complures in hoc sunt regno. Montes ac sylvæ præcipuæ sunt,  
 Carpathus qui propagatur per comitatus Turócensem, Arnensem, Liptouensem, Gappusen-  
 sem, Gevvineriemsem ac Sariensem. Matran mons vinetis prope Agriam confitus; Erdel amplissi-  
 mus in conuallibus Transylvanienfibus latè excurrit: Bakon in comitatu Vesperinenfis; Verthes  
 Hungarice Baton quem à clypeis **den Schildberg** dicunt Germani; quòd Henricum III. Impera-  
 torem isthic castra metatum referunt contra Belam Hungariæ Regem, fameque pressum relicto  
 scutis castra deseruisse: hunc vitiferi sequuntur montes ad Ecclesias. Inferior hæc Pannonia à Sepren-  
 tione terminatur Sarmatis seu Polonis, Moschisque, ab Occasu **Austriam** Bohemiamque fini-  
 timas habet, ad Meridiem Sauro flu. finitur & Illyrici parte quæ Adriatico pelago  
 obuersa est, ad Orientem Solem, Seruiam quam Triballi, Moesij, Bulgari  
 & Ralciani tenuerunt, nunc à quibusdam Sagariam vocatam:  
 eadem etiam parte VValachiam habet.

